

---

## P R A E F A T I O.

**A**lexander, quum, Asia et India usque ad Hyphasin domita, reverti coactus esset, animo Macedonum et bellis et laboribus continuis fracto, qua ratione fines imperii sui et constitueret firmos, et ipse videret cognosceretque, animo cogitabat. Terminos Asiae ab occidente natura ipsa firmaverat maribus; Libyam ab Aegypto, Arabiam a Syria et Babylonia ingentia dirimebant deserta; terminos septentrionales ab Armenia usque in Indiam ipse cum exercitu percurrebat victor; restabant termini orientem et meridiem versus, nondum certi exploratique. Classe igitur in Hydaspem exstructa, per Hydaspem Acesinem et Indum usque ad oceanum navigabat, gentibusque ad